



11. november 2020
Atassut

UKA 2020/53,43
Aqqalu C. Jerimiassen

Imm53

Qarasaasiami inuinnaat naapittarfiini qanoq pissusilersornissamut immitsinnullu oqaloqatigiittarnitsinnut sammisalimmik paasititsiniaanermik suliaqarnissamut, aallartitsinissamullu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Nivi Olsen, Demokraatit)

Aap, qarasaasiami inuit naapittarfiini siunnersuuteqartoq kisimiigunanneqaaq taamannak allaffigineqartartutut.

Tamattami annerusumik minnerusumilluunniit qinikkatut sulisuusugut tamanna misiginikuungungarparput, oqaatsit avaangunarnerpaat suusinnaasut tamaasa ulluinnarnik inuk naapillugu oqaatigiunnangisai facebook-imi allaqqasut.

Siunnersuuteqartup siunertaa paasilluarneqarsinnaaqaq, namminerli aamma qanoq oqariartortariaaseqarnerta tassani pilersitseqataasarportaaq qanoq inuit qisuariartalernerannut, tassami pilersitaq aallartissimangaanni aamma nammineq akisussaaqataasutut misigisimasariaqarmat, imaassanngimmat allanut tutsittariaqartoq, inuiaqatigiilli sooq taamak sakkortutigisumik pissuseqalersimanagerat takussutissaannangorsimanginnerpa nunatta maanna sumi inissisimalersimanageranik?

Piffissamiilersimavugut oqaasinnguinnissaq pisariaarussimasoq, skærmillu saavanut pilluni allalaaginnarnissaq ajornanginnerulersimasoq ajorpat ajunngippalluunniit.

Taamatulli sakkortutigisumik inissisimalersimagutta isumassarsiatsialaasinnaavoq, uagut maani qinikkat inersuarmitugut partiitta qalipaatai illikaallatseriarlugit paasisitsiniaaqataanermut suleqataasariaqarnerput, qulaaniilli inuit qanoq pissuseqalernissaanittaaq pissusilersorfiginaversaartariaqarpagut, inuit qanoq inuuneqalernissaat ilusilersorniarsilissanngilarput maanngaanniik, paasiniartariaqarpullu sooq taamannak maanna inuiaqatigiittut inissisimalersimanagerluta.

Inoqatigut qulaaniik tikkuaannarsinnangilagut maanna taamannak inuit tamat qarasaasiakkut naapittarfiini taamannak pissuseqalersimappata, ersiutaanginnanginnerpali taamaasisimaneq tassaasoq inoqatigut annikippallaamik aallussimagigut maanngaanniik inersuarmit?

Ersiutaaginnanginnerpa inuiaqatigiittut annertungaartumik suliassaqtugut, tassalu inoqatitta inuunermi pitsaasumik inuuneqalernissaannuit kivitsinissatsinnut, pissusilersuutimmi takutittarpaat sumi inissisimalersimanerput arlalitsigut, imaanngitsoq taamaanniarlutik taamaattut, aap soorunami inoqarpoq pissusilersuutitik eqqarsaatigilluaqqaarnangit iliuuseqartartunik.

Puigussanngisarpulli aana, uagutaaq nammineq qinikkatut annertungaartumik tassani akisussaaffeqaratta, inuillu taamannak pissuseqalersimappata takussutissaaginnalersimavoq ajoraluartumik qanoq innuttaasut qiningaannit naalakkersuisuinullu isiginnineq.

Taamaammat eqqarsaatigilluartariaqalerparput qanoruna maanna uagut iliuuseqartariaqtugut, aap paasisitsiniaanerit annertuut ingerlassinnaavagut, taannaannaanngitsorli eqqarsaatigalugu, inuit ullumikkut nunatsinni sineriarujussuatsinni najugaqtartut atukkamikkut misigissutsikkulluunniit arlaannik immaqa artorsaateqartarsimagamik taamarsuaq pissusilersuleqqapput. Akerliussutsimik takutsitsinerit marluk annertujaat ingerlanneqareerput ukioq manna, taakkulu soorunamittaag takussutissanut ilaapput sooq taamannak sakkortutigisunik inuit tamat naapittarfiini qarasaasiakkut pissusilersortalersimanernut. Innuttaasut tusaqullutik ilai ajoraluartumik misigissusaarutilersimasutut pissuseqarput qanoq qinikkat pillutik ilaqutaalu pillugit allassallutik

Tamanna ataatsimoorluta minnerpaaffissaaniitinniarariaqarparput.

Siunnersuut Atassummiik arlaatigut soqutiginaateqartillugu, naak tamakkiisumik tunuliaqutsivinngikkaluarlugu ataatsimiitsitaliami suliarineqarnissaanut innersuukkumavarput.

Pkt43

Meeqqat atuarfianni alloriarfinni tamani atuartut akornanni kinguaassiutitigut piunassuseqarnerup qanoq issusianut, kinguaassiutitigut nappaatinut, kissaatiginngisamik naartulertarnernut, killiliisarnissaannut kiisalu timikkut digitalitigullu innimiilliutitut ilisimasanut tunngatillugu Naalakkersuisut misissuinissamik suliaqaqqullugit Inatsisartut aalajangiiffigisassaattut siunnersuut. Misissuinermi angusat 1. januaari 2022 nallertinnagu saqqummiunneqassapput.

(Inatsisartuni ilaasortaq, Stine Egede, Inuit Ataqatigiit)

Ilaqutariineq inuiaqatigiini sukarsuuvoq annerpaaq, angajoqqaallu akisussaaffik pisussaaffillu annerpaaq meeqqamut inuusuttumullu 18-it inorlugit ukiulinnut tigummiarpaat. Ajoraluartumik Atassummiit naqissuserumavarput meeqqat inuusuttullu akornanni peqqissutsikkut ajornartorsiuteqarnerput, tamanna ajornartorsiut akiorneqassappat sakkortuumik peqqinnissaqarfik, atuarfeqarfik aamma angajoqqaat peqatigalugit paquminartunik oqallinnissaq pisariaqalersimavoq.

Pingaarnerpaavoq angajoqqaat akornanni meeraq inuusuttorlu paquminartut pillugit paasissutissiisarnissaq aamma oqaaqqissaarinissaq suut kinguaasiutigut nappaatit pilersarpat qanoq iliorsimagaanni.

Ukiuni kingullerni paquminartunik oqallinneq inuiaqatigiit akornanni oqallisaalersimavoq, tamanna aamma inuit attaveqaqatigiittarfiani oqallinneq piuvoq. Inuppassuaqarpoq killissaminnik qaangiisortarsimasunik, tamakkullu akiorneqassappata pingaaruteqarluinnarpoq meeraq inuusuttorlu pineqartoq qanimut illersorneqarnissaa, tamanna kisimi pisortani pisinnaanngilaq angajoqqaat illersuinissamut aamma peqatigineqarluartariaqarput.

Atassummiit siunnersuut taperserparput.